

& eleganti: tum igitur ille, Magno certè adiuuēto  
 ô Dionysi ad sapientiam comparandam Plato tibi  
 est: tum verò tu, Atqui etiam ad alias res permul-  
 tas, ais. Nam ex eo ipso tempore, quo accersendum  
 curavi, magnam repentè vel hoc ipso nomine quod  
 accerferem, vtilitatem sensi. Quamobrem id mihi re-  
 tinendum tuendūque est, vt mutua hæc inter nos  
 vtilitas assiduè augeatur, atque id ipsum nunc effi-  
 ciens mitto ad te ex Pythagoreis, & ex diuisioni-  
 bus aliquid, item virum, qui mihi tum visus est ido-  
 neus, quo & tu, & Archytas (si modò Archytas ad  
 te venit) vti possitis. Eius nomen est Helicon, patria  
<sup>1</sup> Cyzicus, discipulus autè Eudoxi, & eius philosophi  
 disciplina eleganter institutus, tum verò cum quodā  
 Isocratis discipulo, & cum Polyxeno Brysonis quo-  
 dam socio versatus, & quod insuper rarū est, in cō-  
 gressu & sermone iucundus & affabilis, minimèque  
 malitiosus: quin leuis potius & simplex esse videa-  
 tur. Atque vt prouisum & præcautum sit, ea dico.  
 quoniam non de improbo animali & peruerso, sed  
 de homine sententiam profero, qui paucis admodum  
 exceptis facillè corrigi & emendari possit. Verum-  
 enimvero id etiam metuens & circumspectans, in ser-  
 mone & colloctione considerabam, & ciues ipsius  
 interrogabam, nemo tamen de homine mali quic-  
 quam respondebat. Tu verò etiam ipse prouideto &  
 caueto. Diligentissimè itaque si quicquam otij na-  
 ctus eris, ex eo discito, & aliis etiam de rebus per te  
 philosophare, aut si hoc nōdum potes, illud teneto, vt

<sup>1</sup> Cyzicus, ciuē-  
 tas est Bithyniæ  
 in litore Pro-  
 pontidis.